



## 看漫畫

佢讀小學個時節，當愛看漫畫書。毋過，盡多爺哀認為看漫畫書浪費時間，毋當讀加兜學校個課本，考試成績正會高分。所以，佢見擺偷看分阿姆捉著，佢就嘍嘍嘍：「細人仔，正經個書毋煞猛讀，專門看該『人公書』」。大人講毋好看，細人仔就越好看，到緊來緊識字，了解裡背个意思，還較試著生趣。

該量時，無像這下有佢多漫畫書店好借，大體人屋下也無錢好買閒書，想愛看漫畫無佢該。係講共班个同學有人帶一本來學校，逐儕都千拜託萬拜託摺佢借，因為愛借个人當多，最尾大家排時間輪流，定著愛摺該本書借轉屋下。

記得佢小學三年生个時節，鄰舍搬來一家人，屋下有摺佢上下歲个細俵仔，厥爸係有學問个人，盡注意細人仔个教育，買當多漫畫書分佢看。有一擺，佢摺老妹去厥屋下寮，毋堵好看著書櫥裡背有淦淦个漫畫書，劉興欽个《大孀婆》、《機器人》，陳定國个《花小妹》等等…。佢摺老妹像形看著寶物共樣歡喜靛天，噯毋記得該位係別儕屋下，一本搵過一本，看到入文，將就坐在地泥頂看到毋轉屋。過兩日，分阿姆知著，講佢兜去人屋下儘採搵東西，佢無規矩，過後就不准佢兜過家咧。這下想著這件事情，試著實在還敗勢。

上國中該下，屋下就近个雜貨店有漫畫書好稅，佢摺老妹逐擺一儕出一半錢，偷偷匿匿去稅來看，又驚阿姆發現著會罵人，一擺斯敢借兩本定定。因為雜貨店个書也無當多，所以長透會重複稅著看過个漫畫書轉來。

這佢久，佢讀著一本好書，係由交通大學張玉佩教授編著，書名安到《漫・話三傑》。內容詳細紹介佢細細時節最愛看个漫畫作者，包含陳定國、葉宏甲、劉興欽三個大師个創作故事，並解讀佢兜作品个時代意義。一頭讀這本書，一頭回想頭擺看漫畫該種快樂个心情；尤其分佢這新竹人感覺特別沙鼻个就係：三位大師通棚係新竹个鄉親，人講：「親母親，故鄉人」，實在毋會差。這係一本非常值得讀个書，有興趣儕做得去買來看。

作者：陳美燕

### ☆詞彙學習☆

【漫畫】man<sup>+</sup> fa<sup>+</sup>：漫畫。

【毋當】m dong<sup>ˇ</sup>：不如。例：放寮日在屋下睡目，毋當出去行行仔。

【嘍嘍嘍】nung nung nung<sup>ˇ</sup> nung<sup>ˇ</sup>：嘟嘟嚷嚷、喃喃不停的說話。

【大體】tai<sup>+</sup> ti<sup>ˊ</sup>：大部分。

【搵】bien<sup>ˊ</sup>：翻找。

【稅】shoi<sup>ˇ</sup>：租借。

【偷偷匿匿】teu<sup>`</sup> teu<sup>`</sup> nid<sup>`</sup> nid<sup>`</sup>：偷偷摸摸。

【沙鼻】sa<sup>`</sup> pi<sup>+</sup>：得意驕傲的樣子。